

舊唐書校勘記

舊唐書校勘記卷五

肅宗紀

景雲二年乙亥生 沈氏炳震云二年下闕何月 殿本考證亦

云二年下不系以月闕文 按此闕九月二字冊府卷三肅宗

以景雲二年九月三日乙亥生於東宮之別殿祥光照室又載

至德二年九月戊寅以降誕日王公已下咸有進獻帝以行在

不受上元二年九月天成地平節於三殿置道場以上二條舊紀皆失載

張氏宗泰云會要乾元元年九月三日上誕降日爲天平地成

節據此諸文則此脫九月明矣御覽百十與今本同

聰敏強記屬辭典麗耳目之所聽覽不復遺忘御覽百十與今本

同 冊府四十屬詞典麗經史百家莫不該覽目所一見常如

誦習

開元十五年正月 沈本五作三正作三

五月 沈本五月上有十五年

八人總管兵 張氏宗泰云新紀無人字 按御覽百十亦無人

字

英姿穎發 冊府四穎作秀

後有言事者云紹與宋太子名同改今名 張氏宗泰云紹與劭

異文同下當有音字 按冊府卷四有獻書者言宋太子名劭

惡其聲類天寶三載又改名亨

元宗不聽 冊府四不聽作易之

十二月丁未陷東京 沈本作丁酉

上迴至渭北便橋已斷水暴漲無舟楫 冊府二十賊帥追至渭

便橋已斷渭水暴漲又無舟楫 上號令水濱百姓歸者二千

餘人冊府帝於水濱號令百姓願從者二千餘人 渭水可涉  
又遇潼關散卒冊府因而涉渡南遇潼關散卒 乃收其餘衆  
比上軍旣濟其後皆溺上喜以爲天之佑冊府乃收其餘衆濟  
渭而北 時從上惟廣平建甯二王及四軍將士纔二千人自  
奉天而北冊府帝過渭之後左右唯廣平王及六軍將士二千  
人自奉天而北 時晝夜奔馳冊府作通夜奔馳 按御覽百  
二所引與今本同惟收其餘衆下有以北二字今本比字乃北  
字之誤脫去以字又以爲天之佑佑上御覽有瞻字冊府或據  
實錄然如四軍將士當從冊府作六軍

斬新平太守薛羽保定太守餘毅 沈本餘作徐是張氏宗泰云  
新地理志涇州保定郡本安定郡至德二載更名此當作安定  
况上文已言至安定郡新紀作安定當從之 按冊府百五作

安定

會朔方畱後杜鴻漸魏少遊崔漪等遣判官李涵 聞本涵誤淄

按新紀作涵

上行至豐甯南見黃河天塹之固 御覽三百二十九初上行至豐甯

見南河天塹之固 以保豐甯御覽以保作將詣 忽大風飛

沙跬步之間不辨人物御覽沙下有礫字跬作數物作馬 及

迴軍趨靈武御覽及作由是趨上有來字 天地廓清御覽廓

清作清朗

公等何急也 御覽二百十八公等何忽忽也 乃從御覽作而從之

知歷數可歸沈本可作所 按英華作有

加兩階賜兩轉 冊府八十加上有各字賜下有階字是

並知中書舍人 王氏鳴盛云舍人下當有事字 按御覽二百十

有事字

八月壬午朔方節度使 張氏宗泰云八月亦壬午朔朔當重文

按張說是通鑑亦作八月壬午朔

同中書門下平章事 沈本同上有並字是錢大昕云郭李二人

同時除使相當增並字 按通鑑作並同平章事

丁酉上皇遜稱詒 御覽百十遜下有位字是

九月壬辰上南幸彭原郡 沈本作戊辰是張氏宗泰云九月壬

子朔不得有壬辰 按御覽百十作戊辰通鑑戊辰發靈武

爲燉煌王 沈本王上有郡字 按冊府九百七十九無郡字通鑑同

送承案至回紇部 冊府九百七十九部下有落字

內官邊令該 沈本該作誠是

戊子迴訖引軍來赴難 沈本作戊午張氏宗泰云下有十二月

戊子此已作子誤當依新紀改正戊午十一月八日

以王思禮爲關內節度 沈本節度下有使字 按紀中凡云節

度者沈本皆加使字以後不悉出

彭原郡百姓給復二載郡同六雄縣昇繁望 張氏宗泰云地理

志邕州下縣五定安眞甯襄樂彭原定平止五縣而彭原下注

云武德二年新置豐義縣開元八年以豐義隸涇州尋復還屬

唐末省至德元載縣尙未省故得曰六

江陵大都督府 沈本無府字

至德二載

間者抱戴赤雀白狼之瑞 沈氏炳震云抱戴句有關文 按冊

府二十抱戴上有日字

文城太守武威郡九姓齊莊破賊五千餘衆 張氏宗泰云地理

志武威郡下注云大斗拔谷西有交城守捉此紀文當作交而太守爲守捉之誤又其人不應無名疑卽下齊莊是也於文當云交城守捉使齊莊破武威郡九姓賊按正月丙寅武威郡九姓商胡叛通鑑言旬有七日平之卽此事

節度使李光弼大破賊將蔡希德之衆張氏宗泰云此當如下郭子儀書朔方例節度使上當有河東二字

永王璘兵敗至所殺沈本在郭子儀收河東郡上按新紀永王璘事在戊戌郭子儀事在庚子通鑑同

三月癸亥河西自去冬地震至是方止沈本以癸亥下十三字移在下大雨上張氏宗泰云癸亥不得在辛酉前

癸亥大雨至癸酉不止沈本癸亥作是日張氏宗泰云一月不得有兩癸亥當刪按沈本改作是日是



乙酉太史奏歲星太白熒惑集於東井 張氏宗泰云此紀與舊志年月俱異新紀年月合而日不同且新志有辰星今按舊志元爲二之誤三月當作四月新志日作壬寅在乙酉後十七日以各星行度考之乃是有辰星而無太白兩志各有一誤

爲元獻皇太后上母也 沈氏炳震云太字疑衍 按太字非衍英華有冊元獻太后誥文

持四節與回紇葉護太子率兵四千助國討賊 張氏宗泰云據本傳太子當在葉護上 按迴紇傳迴紇遣其太子葉護領其將帝德等兵馬四千餘衆助國討逆通鑑回紇懷仁可汗遣其子葉護及將軍帝德等將精兵四千餘人通鑑所載與回紇傳同冊府九百七十三迴紇葉護太子領兵四千餘衆助討逆賊亦作葉護太子不必改也 又按御覽二百一持節與迴紇太子率兵

四千持下無四字是

要安百姓

冊府

六十

要下有在字

害張巡姚闔許遠

御覽

百十

許遠上有執字

偽署侍中陳希烈

御覽

百十

中作郎誤

士庶涕泣拜忭

御覽

百十

忭作拈

禁之府獄

冊府

百五

收付大理京兆獄分繫之

十一月壬申朔

沈氏炳震云是月無壬申誤張氏宗泰推得乙

亥朔改作乙亥

按冊府

六十

無朔字然壬申乃乙亥前三日

不得在十一月

靈武聚一旅之衆至鳳翔合百萬之師

冊府

六十

靈武上有自

字是

新成九廟神主上親告享

冊府

三十

十二月

一當

新作九廟神

主於長安

當作樂

殿安置帝親告享

按下文言上皇詣長樂殿

謁九廟神主此神主下當有於長樂殿四字通鑑上之在彭原

也更以粟爲九廟主庚寅朝享於長樂殿新紀庚子

子當作寅

作九

廟神主告享於長樂殿

自御馬以進

御覽

百十

御上有試字是

又躬攬轡而行御覽

攬作攏

綵棚夾道御覽棚作棚是張氏宗泰云冊府作連棚

十二月戊午朔

沈本無十二月及朔字是張氏宗泰云戊午十

二月十五日

按錢氏大昕云上文十月乙巳朔及次年正

月甲戌朔前後推校則十一月當乙亥朔十二月當甲辰朔史

所紀壬申者十月之二十八日非十一月朔也丙午則十二月

三日戊午則十二月十五日史文之謬誤如此

內侍齊國公

冊府

八十

內侍下有監字英華亦有監字

李光

弼薊國公冊府薊作魏英華亦作薊

改蜀郡爲南陽

沈本陽作都

按冊府

十四

作南京新紀同

進封南陽王傑爲趙王新城王僅爲彭城王

沈本傑作係無城

字

按冊府

八十五

作彭王無城字新紀通鑑傑作係無城字

第九男倭封襄王第十男侶封興王第十一男偲封杞王第十二

男侗封定王

沈本倭作儻偲作倭據新紀及本傳改通鑑同

己丑賊將僞范陽節度使史思明 沈本作乙丑據新紀改

叛而必誅

冊府

百五十二

叛作將英華同

受任於梟獍之間冊府

上有豈可列在崇班荷茲祿位不思君親之分唯與凶逆同心

英華同

靜言此情何可放宥冊府作靜言思此情何可矜下

仍有朕志在含宏法務寬貸然凶惡之類自招其咎人神所棄

天地不容原其本心皆合殊死就中情狀仍有處分英華同

前大理卿張均特宜免死配流合浦郡冊府英華配作長是張氏宗泰云均當作均 按張說是通鑑上皇曰張均爲汝長流嶺表張均必不可活冊府英華俱誤作均

是日斬達奚珣等

冊府

百五十二

壬申以歲除之日行刑於城西南

隅 按次年正月甲戌朔云歲除行刑則作壬申是新紀作壬申

三載

正月甲戌朔 錢氏大昕云肅代以後諸帝紀多有無事而書朔者蓋本實錄之文史臣刊削未盡也

上御興慶宮

沈本御作詣

按御覽

百十

作詣

太上至道聖皇大帝

沈本大作天

按御覽

百十

亦作大沈依

新紀改通鑑同

御明鳳門 張氏宗泰云丹誤作明 按御覽百十及通鑑俱作

明唐會要至德二載改丹鳳門爲明鳳門尋却如舊冊府十五

作鳴鳳

太史監爲司天臺 王氏鳴盛云太史上當有改字

自長安殿迎九廟神主入新廟 按二載上皇詣長樂殿謁神主

安當作樂冊府三十亦作長安

詔其使合從左右門入 沈本合作各是

平章事 沈本作同中書門下平章事 按紀中言平章事言同

平章事者沈皆作同中書門下平章事以後似此者不復出

己未中書令崔圓 沈本作乙未張氏宗泰云依新紀改乙未五

月二十四日

初置太一神壇於圓東冊府三十圓東上有南郊二字

戊午諸三司所推劾受賊偽官等

冊府

四十一

諸作詔全載詔文

所推問者冊府作所推問未了者是通鑑作推究未畢者

制上皇第二女 沈本無上字

按冊府

九百七十九

詔以幼女通鑑

以上幼女非上皇女也制下當有以字

八月壬寅以青徐等五州節度使季廣琛兼許州刺史河南節度

使崔光遠兼汴州刺史以青州刺史許叔冀兼滑州刺史充青

滑六州節度使 張氏宗泰云青徐當作鄭陳新書方鎮表鄭

陳條至德元載置淮南西道節度使領義陽弋陽潁川滎陽汝

南五郡治潁川郡與下五州字合據以正之 按通鑑八月壬

寅以青登等五州節度使許叔冀爲滑濮等六州節度使而無

季廣琛崔光遠事考異曰實錄云青徐等五州節度使季廣琛

青登等五州節度使許叔冀按青州豈可屬兩節度又廣琛先

爲荊州長史今年五月爲右常侍九月討安慶緒時實錄稱鄭  
蔡節度使汾陽家傳稱淮西荆澧舊紀稱荊州未嘗鎮青徐實  
錄於此稱青徐恐誤也如考異所云舊紀八月無廣琛爲青徐  
節度事考異又云討慶緒時舊紀稱廣琛爲荊州而今本作鄭  
蔡節度使季廣琛乃與實錄所稱合則今本舊紀後人以實錄  
增入者不少矣王氏鳴盛謂季廣琛之季當作李不知所據

齊兗鄆等州防禦使 沈本齊作濟

十月乙未 張氏宗泰云十月庚子朔乙未在前乃九月二十日  
今按在甲寅上非乙巳卽丁未之誤

某州婦人 沈本無某字空格云闕文王氏鳴盛云某校本作青  
是

壬申王思禮破賊二萬於相州 沈本上有十一月是張氏宗泰



云當依新紀移正

十一月丁丑郭子儀收魏州 沈本無十一月是

充淮南浙西觀察使處置節度使 沈本觀察下無使字

求於史思明 沈本求下有教字王氏鳴盛云思明下應重二字

乾元二年

僭立年號 張氏宗泰云據本傳於年號下補應天二字 按張

說非紀言其畧不必如本傳也且亦不辭

乙丑以御史中丞崔寓 張氏宗泰云乙丑不得在癸未丙申間

非乙酉卽己丑之誤

以陝州刺史苛政也 沈本以作爲

以郭子儀爲東畿山東河南等道 沈本山下有南字是東下有

道字非

以河西節度副使 張氏宗泰云河當作淮 按通鑑作河西

諸作坊造坊並停 張氏宗泰云影宋本作諸坊造作並停

兩省官十日一上封事

御覽

二百二十三

下有直論得失無假文言

既成殿最用成沮勸十六字

興平節度使 沈本平下有軍字

貶季廣琛宣州刺史 張氏宗泰云據下崔光遠例宣州上當有

爲字 按下貶宰相李峴蜀州刺史亦無爲字王氏鳴盛云宣

當作宜宣乃內地非貶謫所宜則遠惡地也廣琛至上元二年

方爲宣州刺史耳見下文刺史下又脫師失律也以汴州刺史

按王氏之言不知所據

乃以汝州刺史 沈本無乃字是

己巳以明州刺史 張氏宗泰云月內不得有己巳非乙巳卽己

未之誤

以趙王係爲天下兵馬元帥

冊府

百二

下有討思明於河朔

八月乙亥

張氏宗泰依新紀改乙巳云乙巳八月十二日

甲午襄州賊張嘉延襲破荊州澧朗復郢硤歸等州官吏皆棄城

奔竄

張氏宗泰云甲午當依新紀作甲子甲子九月朔按

通鑑八月乙巳襄州將康楚元張嘉延據州作亂九月甲午張

嘉延襲破荊州荆南節度使杜鴻漸棄城走澧朗郢硤歸等州

官吏聞之爭潛竄山谷郢上無復字

以二十二斤成貫

冊府

五百

無下二字

李抱眞爲鄭州刺史

沈本眞作玉

按錢氏大昕云此時抱眞

未爲刺史蓋李抱玉也

貶秦州司馬

沈本秦作溱是通鑑作溱

破賊於陝東疆子坂 沈本疆作壇是通鑑作壇

三年

蜀王傀邠節度大使 沈氏炳震云肅宗諸子無名傀封蜀王者疑屬召王偲之誤 按傀當作偲英華載彭王僅等節度大使制文云邵王偲可改封蜀王充邠邠節度大使則偲改封蜀王故此以蜀言之或疑此九字爲衍文者非也

詔先鑄重稜錢 沈本稜作輪是冊府五百作輪

丙辰御史大夫崔器卒 張氏宗泰云上已書丙辰不應複書而下隔一日卽八月朔非衍文卽丁巳之誤

禮朗硤忠五州節度 張氏宗泰云據新書方鎮表五當作四

以荊州爲南都州曰江陵府 冊府十四詔荊州大都督府宜改

爲江陵府仍爲南都

青州刺史殷仲卿

至

德棣等州節度使

沈氏炳震云新書方鎮

表淄沂節度上元二年置不應先見於此

上元二年

上不康 錢氏大昕云本當云不豫避代宗諱改豫爲康

甲寅詔府縣御史臺大理疏理繫囚死罪降從流流已下並釋放

冊府

八十

甲寅詔天下見禁徒囚死罪降流徒以下並釋放

京城宜令中書門下卽分往府縣御史臺大理寺卽自親按問

疏決訖具狀聞奏

鳳翔李鼎邀擊之 沈本翔下有尹字是

貶爲袁州長史 沈本無爲字

三月甲子史朝義率衆夜襲我陝州 沈本作甲午張氏宗泰云

新紀作甲午甲午三月九日

夏四月乙亥朔 沈本作乙卯 按通鑑作乙卯

滑魏德貝相六州節度使 冊府百六十四充滑邢德貝相魏六州節

度使

李光弼來朝 沈本上有庚子 按新紀以光弼進位在庚子而

不記其來朝通鑑以來朝在己丑而以進位繫庚子斬段子璋  
後

都統河南淮南山南東道五道行營節度 通鑑考異曰實錄舊

紀皆云光弼都統河南淮南山南東江東五道此紀山南東下  
道字當作江東

甲辰延英殿御座梁上生玉芝 冊府四十脫梁上二字誤

賜名國禎 沈本禎作貞是

朕獲守丕業敢忘謙沖 冊府十六朕獲守丕業若履春冰敢忘

謙沖日益招損 自今已後朕號惟稱皇帝其年號但稱元年  
去上元之號冊府十五 上有三代受命正朔皆殊宗周之王實  
得天統陽生元氣之本律首黃鐘之尊制度可存叶用斯在八  
句文義方備年下無號字稱作號 其以今沈氏炳震云下闕  
文 沈氏德潛云其以今下闕文闕以十一月建子爲歲首詔  
此詔卽冊府所云三代受命八句詳見上條 及十二月建丑并明年寶應元年建寅  
月事 按所闕者尙不止此本年九月赦文條例亦闕今以可  
考見者附於後

其以今年十一月爲天正歲首使建丑建寅每月以所建爲

數御覽百十二冊府八十五

可大赦天下自二年九月二十一日昧爽已前大辟罪無輕  
重已發覺未發覺已結正未結正見繫囚徒常赦所不免

者咸赦除之

英華

按通鑑有因赦天下句

其史朝義若能翻然改圖背逆歸順罪無所問加以勲封冊

百六十四

內外官三品已上賜爵一級四品五品各加一階六品下賜

勲兩轉

冊府八十

按新紀有賜文武官階勲爵

唐虞之代肇有九州王者所都文無異制其京兆府河南太

原府二京之號宜停鳳翔先爲西京亦宜準此

冊府十四

按

新紀有停四京號通鑑停京兆河南太原鳳翔四京及江

陵南都之號

江淮大饑人相食

通鑑

十月事 冊府英華俱不載新紀亦無惟通鑑載十月江淮

都統崔圓署李蕨用爲楚州刺史其牙將高幹以兵襲之



藏用走幹追斬之之事

三年

建子月壬午朔上受朝賀如正日儀

通鑑

戊子御史中丞元載爲戶部侍郎充勾當度支鑄錢鹽鐵兼

江淮轉運等使

通鑑

癸巳曹州刺史常休明及史朝義將薛寧戰敗之

新紀

己亥上朝上皇於西內

通鑑

新紀

丙午衛伯玉及史朝義戰於永甯敗之

新紀

通鑑

己酉帝謁太清宮庚戌享太廟元獻廟

冊府三

十三  
按新紀及

通鑑亦載此事

建丑月辛亥朔祀圓丘太一壇

通鑑

新紀作

己未來瑱及史朝義戰於汝州敗之乙亥侯希逸及朝義將

李懷仙戰於范陽敗之

新紀 通鑑  
無來瑱事

建寅月甲申追冊靖德太子琮爲皇帝妃竇氏爲皇后乙酉

葬王公妃主遇害者丙戌盜發敬陵惠陵甲辰李光弼克

許州吐蕃請和戊申史朝義陷營州

新紀 通鑑無  
乙酉丙戌事

建卯月辛亥朔上御明鳳門大赦

御覽  
十二

內外文武官二品

已上賜爵一級四品已下各加一階

冊府  
八十

王都之號其

來自久宜以京兆府爲上都河南府爲中都鳳翔府爲西

都江陵府爲南都太原府爲北都

冊府  
十四

按新紀有大赦

及復立五都事通鑑無賜爵事御覽

十二

引京兆府以下

與冊府同

壬子羌渾奴刺寇梁州癸丑河東軍亂殺其節度使鄧景山

都知兵馬使辛雲京自稱節度使乙丑河中軍亂殺李國

貞及其節度荔非元禮戊辰淮西節度使王仲昇及史朝

義將謝欽讓職於申州敗績

新紀通鑑同

北庭潞儀隰等州行營本管節度觀察等事移鎮絳州 沈本庚

午郭子儀知朔方河中北庭潞儀澤沁等州行營本管節度觀察等使興平定國軍兵馬副元帥移鎮絳州沈蓋參用新紀補之

癸酉河南副元帥李光弼破賊於許州城下收復許州 此與新

紀建寅月甲辰所書實一事而月日不同

壬午詔天下見禁繫囚無輕重一切釋放 冊府八十無上有罪

字是

以尙書戶部侍郎元載 沈本無尙書二字

獻定國寶玉十三枚 御覽二百十獻上有表字十三作十二 按

十三寶中缺其一唐會要及新書五行志皆同然所獻本十三寶通鑑諸書無異詞御覽作十二誤細如筋沈本筋作筋細緻如青玉張氏宗泰云據新五行志下有其一缺三字方合十三之數

期月而關隴弭平 沈本弭作砥是

### 代宗紀

生於東都上陽宮 冊府卷二 生於東都上陽宮之別殿時元宗

幸汝州之温陽 當作湯 有望氣者云宮中有天子氣元宗卽日還

宮帝降誕御覽與今本同

喜懼不形於色 御覽 百十 懼作愠

及師進討百官辭送 御覽 百十 師上有帥字下句作雪涕辭違

耆老歡迎 御覽 百十 耆作遺是

新店之後 沈本後作役 按御覽百十作役

四月庚寅立爲皇太子改名豫 御覽八百三十九上降誕豫州奏百

姓李氏有嘉禾生及是冊禮特詔改名豫 按冊府卷三所引

與御覽同冊府作十月肅宗紀亦作五月庚寅御覽百十作四

月新書作十月

己巳卽皇帝位於柩前 冊府十一作卽皇帝位於兩儀殿 按

御覽百十作柩前通鑑發喪於兩儀殿

戎馬爲先 英華馬作寄 存乎至公英華乎作以

宰臣苗晉卿等三十表 十沈本作上是冊府十一宰臣及文武

百官表三上

李光弼進封臨淮王 冊府百二十九王上有郡字

以戶部侍郎元載同中書門下平章事充度支轉運使 沈氏炳

震云肅宗紀建辰月載已同平章事矣此乃充轉運使耳元載字當在同平章事下

諸州防禦使並停內外官三考一轉

冊府

八十

諸州防禦使並

停天下子爲父後者各賜勳一轉州縣官自今已後宜令三考一轉

鄂王瑤 沈本瑤作瑤

建昌王追封齊王崇恩王追封衛王靈昌王追封鄆王 沈本建

昌作建甯王下有倓字崇恩王下有倓字靈昌王下有榮字沈

又云兩書必本傳皆初封西平追封衛無崇恩 按冊府八十

及英華俱與今本舊紀同

以輔國爲博陵王 通鑑作博陸

襄州刺史裴義 沈本義作戎張氏宗泰云新紀及本傳作戎

按通鑑亦作莢

八月己酉朔 沈氏炳震云九月丁丑朔則是月朔當戊申非己酉張氏宗泰云七月己卯小此當作戊申

台州賊袁晁 冊府百二台州賊帥李晁 按新紀通鑑俱作袁

晁

丙申右僕射山陵使裴冕貶施州刺史戊戌迴紇登里可汗率眾來助國討逆令御史大夫尙衡宣慰之 張氏宗泰云下言甲

午太州至陝州二百餘里云云祕書監韓穎等賜死上又有甲

午當刪其後一甲午又甲午不得在丙申後而迴紇助討新紀

作丙申與裴冕之貶同日當刪戊戌二字而移甲午事於丙申

前

史朝義奔翼州 張氏宗泰云據本傳當作幽州 按冊府百六十四

史朝義奔汴州賊將張獻誠不納舉所統兵歸國云歸國則是  
奔幽州矣沈本作翼亦誤

乙酉陝西節度使 沈本乙酉上有十一月張氏宗泰云乙酉十  
一月十日

寶應二年

正月丁亥朔 沈本作乙亥 按新紀作乙亥

充山東道節度 沈本作山南東道是

魏州刺史雁門郡王 沈本無上四字

四月戊寅朔太州依舊爲華州 張氏宗泰云三月甲辰朔五月

癸卯朔四月不得戊寅朔 按沈本亦作戊寅無朔字

命左右丞侍郎對試 冊府六百四十三無右字

戊申羣臣上尊號曰寶應元聖文武皇帝 沈本武下有孝字



按御覽

百十

亦無孝字冊府

十六

有孝字新紀同

民戶三丁免一至舊每畝二升

冊府

四百八十七

一戶之中有三丁

放一丁庸調地稅依舊每畝稅二升 男子二十成丁五十入

老冊府二十五下俱有五字英華同

元帥雍王兼尙書令

沈本尙作中

按英華作尙紀中尙書令

沈皆改中書令以後不復出

功臣皆賜鐵券藏名太廟

冊府

百三十三

具載功臣姓名

自今後

冊府

百三十三

今下有以字英華同

員外及攝試冊府試

下有官字英華同

陷我秦成渭三州

沈本無我字

按御覽

百十

無我字

入大

震關御覽入作又闕下有西字按通鑑作入大震關

九月二戊朔

沈本作壬寅無朔字

張氏宗泰云據下十月庚

午朔此當作辛丑朔 按通鑑作壬戌無朔字當從之

己丑吐蕃寇涇州 沈本作乙丑 按新紀作乙丑通鑑從實錄

在十月而不書日考異曰舊紀九月己丑吐蕃寇涇州則其誤

已久

脇豐王已下十王歸京 脇沈本作脅是

無復儲擬 張氏宗泰云據文義擬當爲倚

蕃軍震懾 沈本懾作懼誤 御覽百十亦作懾

以郭子儀爲京畱守 張氏宗泰云據本傳京下當有城字 按

御覽百十有城字

十一月辛丑朔 沈本無朔字張氏宗泰云十月庚午朔十一月

不得辛丑朔當作庚子 按通鑑十一月辛丑削元振官爵放

歸田里

以蕃寇犯京師 沈本蕃上有吐字是

十二月甲辰 沈氏炳震云是月無甲辰誤張氏宗泰云十二月  
庚午朔不得有甲辰新紀呂太乙事在十一月壬寅而壬寅後  
二日卽甲辰仍當爲十一月也十二月當在下丁亥上 按通  
鑑以此事繫十一月而無日

廣德二年

甲辰復置京畿觀察使 沈本在癸卯下是

甲子元帥尙書令雍王三上章讓皇太子 按冊府二百五十七甲子

雍王表曰云云載全文又云乙丑又上表陳讓荅詔不允卽宜

斷表無三上表事又舊紀有表讓太子事而上無詔立之文二

月己巳乃冊立之日非始詔之日冊府表讓之前云正月己卯

已當立元帥尙書令雍王适爲皇太子新紀通鑑俱云正月乙

作乙

卯立雍王适爲皇太子舊紀癸亥前脫去乙卯立太子事

河中等處觀察 沈本察下有使字

己未第五琦開決汴河 沈本作乙未張氏宗泰云二月己巳朔  
不得有己未非己丑乙未之誤卽上脫三月 按通鑑三月己  
酉以劉晏爲河南江淮以來轉運使議開汴水

庚申罷歲貢孝悌力田童子等科 冊府六百四十力田下有及字無  
等字科下有從禮部侍郎楊綰奏也九字

甲子禁鈿作珠翠等委所司切加捉搦 冊府六十委御史一切  
加捉搦卽令禁斷

癸未制太保兼中書令 張氏宗泰云癸未上當有六月癸未六  
月十八日 鎮北副元帥沈本鎮北下有副大都護河北六字  
朔方節度使沈本使上有等字

七月己酉朔 沈本無朔字張氏宗泰云己酉七月十五日朔字

衍 按新紀通鑑俱無朔字

都統河南淮南淮南山南東道節度行營事 冊府三百二無淮

南節度上有諸字 固讓侍郎沈本郎作中是冊府作侍中

江南西道觀察洪州刺史 沈本察下有使字無洪州刺史

臨洮東觀察使 沈本東上有以字

劍南節度使嚴武攻拔吐蕃當狗城破蕃軍七萬 冊府九百八十七

劍南節度使嚴武破吐蕃七萬餘衆拔其當狗城

自此始也 沈本此作至

及福建道選事并觀農宣慰使 沈本建作州觀作勸

劍南嚴武奏收吐蕃鹽井城 沈本井作川張氏宗泰云新紀作

川疑誤 按冊府九百八十七嚴武又拔吐蕃鹽州城

永泰元年

惟兇渠之授首

冊府

八十

惟作雖英華同

豈人主之用心張

氏宗泰云影宋本人作仁

既盡財力沈本財作才誤英華亦

作財

山南節度使

沈本南下有西道二字

內出宮女千人

冊府

十四

出內人一千人

守洛陽宮冊府作

赴東京守衛

乃合於禁門書院

通鑑注引宋白說無合字書院下有待制二

字 按合疑合字之誤

同盟於興唐寺

沈本作唐興寺按通鑑及唐會要皆作興唐

判度支第五琦

冊府

四百八十七

判度支作京兆尹

效古什一而

徵冊府而徵作之義

淄青節度使侯希逸

通鑑作平盧冊府

百七十八

作平盧淄青侯作

史

涇原節度使馬璘

沈氏炳震云涇原當作邠甯張氏宗泰云本

傳永泰初遷邠甯節度使旋以涇州最鄰戎虜兼權涇原節度是涇原乃馬璘所兼第遺書本官非誤也

尙品息贊磨

冊府

九百八十七

品作結通鑑同通鑑息作悉

內出仁王佛經兩舉付資聖西明二佛寺置百尺高座講之按

冊府

五十

於京城資聖西明兩寺置百高座講仁王經內二寶

輿中命有力者衣金甲昇出又結絲爲菩薩神王及八部鬼神羊車鹿車牛車內侍魚朝恩護送宰臣及百官列班於光順門觀禮宰臣請依班序節級率錢以資僧供二七日而罷通鑑所載畧同胡三省注云百高座百尺高座也

馬璘郝玉屯便橋 張氏宗泰云郝下當有廷字

悉單衣團結 沈本單作皂 按通鑑令城中男子皆衣皂作皂

是

党項攻同州 沈本項下有羌字

詔稅百官錢市絹十萬 冊府四百八十四萬下有匹字

癸卯朔方將李迴方奏收靈武郡 沈本在閏月辛卯後張氏宗泰云乙酉丁亥之中不得有癸卯

丁亥百寮上表 張氏宗泰云據上丙午下戊申當作丁未 按

沈本作丁未

爲其檢校西川兵馬使 沈本川作山

宰臣河南都統 冊府十四作河南等道都統 修洛陽宮冊府

官下有內殿宇三字



二年

徵之以理

冊府

五十

理作禮

朕志承理體冊府體作道

敢

不虔行冊府虔作底

文武並備冊府並備作兼代

俾釋菜

以行禮英華云一本菜作耒

爲奉義方冊府爲作各

無所

咨稟下冊府有山東寡問質疑必就於馬融關西感名尊儒乃

稱於楊震四句英華同

欲得習學可並補國子學生冊府欲

得習學者自今以後并令補國子學生欲其業重籩金器成球

玉日親厥德代不乏賢

其宰相朝官冊府其作并

按沈本

亦作并

其學生員數所習經業供承糧料增修學館冊府作

其學生員數多少所習經業考試等並所供糧料及緣學館破

壞要量事修理

於國學食

冊府

五十

食上有造字是

兼充劍南東川節度觀察使 沈本無充字

稅青苗地錢使

冊府

四百八十七

諸道稅地錢使

諸道稅地迴冊

府自諸道使迴

自乾元己未冊府未作來

按沈本作來

百官俸錢折冊府京師百官俸錢減耗

命御史臺差使徵之

冊府仍以御史大夫爲稅地錢物使

以淮南節度使崔回

沈本同作圓是

北抵景風延喜門入苑

沈本風作鳳是

己丑宗正卿吳王祇

沈本作乙酉

必於經費

沈本作終云字疑訛

按英華亦作於冊府四百九十作

以字是

必均節用冊府作必在均節

京兆府今年合徵八

十二萬五千石數內冊府京兆上有其字合徵作秋稅

大曆二年

王彤必驗

冊府

六十

彤作彫

俾彝倫而攸敘冊府而作之

順非僥澤冊府僥作而

今後天下諸州府切宜禁斷本處分

明榜示嚴加捉搦冊府自今已後宜令天下諸州府切加禁斷

各委本道觀察節度使縣令同爲捉搦仍令分明榜示村坊要

路並勒鄰伍遞相爲保 畱禁奏聞冊府作仍禁身間奏

幸昆明池踏青

冊府

百十

踏青作從俗踏青也

各出錢三十萬置宴於子儀之第

冊府

八百六十八

共出錢三十萬

宴子儀於其私第

李冕爲京兆尹

沈本冕作勉是

江西觀察團練等使

沈本江西作江南西道

與吐蕃同盟於唐興寺

按通鑑仍作興唐寺

癸酉以工部侍郎徐浩

張氏宗泰云上當有五月癸酉五月二

十五日

行軍司馬崔旰劍南節度觀察等使 沈本劍南上有爲字是

辛卯潭衡水災 冊府百六十一以潭衡水災命給事中賀若察使於

湖南宣慰

醴泉出於櫟陽飲之愈疾 冊府二十五有醴泉出於京兆之櫟陽

飲者多愈痼疾

豈可具瞻之地命數不加 英華地作命命作恩

壬戌夜月暈南北河東并鎮星入輿鬼久之方散甲子月去軒轅

一尺己丑率百官京城士庶出錢以助軍 沈本久之方散在

鎮星入輿鬼上己丑作乙丑又於鎮星入輿鬼下注云天文志

無張氏宗泰云壬戌甲子皆誤不獨甲子後無己丑也他本以

鎮星不當雜輿鬼上故臆移久之方散於東井下而鎮下增犯

字

他本當卽指沈本沈並無犯字鎮下各本皆有星入二字張氏刪之

今以月度鎮星行度考之

東井下有鎮字不誤只壬戌當作甲子而甲子當作戊辰甲子十一月十八日冬至前五日月行自參四太至井九以月暈五十度計之東可至鬼四鎮星據新志前於七月十八日乙丑犯水位推爲前順三十七日由井十四太行三度少在井十八則十一月十八日前退三十七日由井二十退一度半在井十八半正當月暈中故紀所書東井至輿鬼中得夾鎮星再據鎮星前退在井十八距鬼初尙十二度卽使犯鬼亦當在二百日後也今並正之又十八日月行方直參四太至井九若前二日壬戌月行前二十六度半當自昴五至畢三少其暈不當起自南北河而其東不得遠訖輿鬼則壬戌爲甲子之誤無疑又甲子日月方在參井去軒轅不止一尺按月行自柳九至張初在二

十二日其日戊辰是去軒轅一尺在甲子後而戊辰後無己丑  
下書壬申必壬爲己之誤己巳十一月二十三日

鳳翔李抱玉來朝 沈本鳳翔下有節度使

熒惑入壁壘 沈本壁作營

三年

劍南西山罷乾州管招武簡遠二縣 張氏宗泰云罷當作置新  
志乾州下大歷三年開西山置領招武簡遠是乾州置於是年  
非罷也 按張說是沈本西山作西川亦誤

江西團練觀察使 沈本作浙西

以常州刺史李栖筠蘇州刺史 沈本蘇州上有爲字

割恒州衛唐縣置洹州 閣本考證云據新書地理志衛改作行  
洹改作泚沈本同

癸酉以左散騎常侍 沈本作癸亥張氏宗泰云癸酉六月朔不  
得在辛酉後

揚州大都督府長史 沈本揚州上有爲字

是月五星並聚於東井 沈本月作日張氏宗泰云兩志皆作東  
方是

月入東井 張氏宗泰云入當作犯月行自畢十五至井初

熒惑犯太微垣 張氏宗泰云兩志俱無之當爲衍文

破吐蕃二萬於邠州 冊府九百八十七作三萬

丁丑濟王環薨熒惑入太微垣 張氏宗泰云兩志俱作丁丑然

丁丑九月六日熒惑前疾一百二十九日由參二半行八十二  
度在翼二半尙未至太微無由以入書今考丑爲酉誤當爲下

壬辰戊戌中錯簡 按環王薨新紀通鑑俱作丁丑如張說則

當增丁酉於熒惑上而移於壬辰後

鄧州國公張獻誠卒 沈本無州字是

以前華州刺史張重光 沈本重作仲

常讓光 沈本讓作謙張氏宗泰云據新紀十月甲戌所書當作

謙

乙未以京兆尹李勉 沈本作己未是

其邠甯割隸朔方軍邠州將吏以燒馬坊爲亂 沈本隸上無割

字以下有割隸二字是通鑑以邠甯慶二州隸朔方

四年

每戶秋錢 沈本秋作稅是

析辰巫溪錦業等州 張氏宗泰云析當作於辰巫等州皆大厯

前置此爲團練觀察而書非次其沿革也



秋七月己丑 沈本作己巳

為潭州刺史湖南都團練觀察使 聞本脫團練觀察使下有鳳

翔移 至 移鎮陝州共三十三行 殿本考證云皆大曆五年事

誤入於此今已訂正沈本同

癸未以天下刑官濫刑 沈本無下七字 法令可施沈氏炳震

云施疑作弛 按冊府八十可作何是施字不必改 朕主三

靈之重冊府同沈本三作生誤 左降流人移隸等委司奏聽

進止沈本委下有所字冊府左降下有官字是移隸等下有並

與量移委司奏聽進止作仍為當作委所司即勘責送名中書門

下奏聽進止 思欲刷恥改行冊府刷恥作制心 凌瀟按此條在朕主條上

己卯虎入長壽坊 張氏宗泰云新五行志同然八月丙申朔月

內無己卯而此紀無九月事當是上脫九月己卯九月十四日

五年

鳳翔兵忿 聞本忿下衍發字 數日乃止沈本乃作方  
廢仙川襄城葉縣隸汝州 沈本川作州下有以字是

己已朝恩自縊而死 張氏宗泰云己已上當有三月己已三月

六日新紀事在癸酉後四日 按通鑑此事在三月癸酉下文

定京兆府戶稅冊府四百八十七亦在三月

劍南西川 王氏鳴盛云當作東川

攷之理亂 沈本攷作政是

爲兵馬使臧玠所殺 沈本爲下有其字

爲處州刺史 沈本處作虔

徙置當悉相靜恭五州 張氏宗泰云所置皆在劍南道相當作

柘 按冊府九百九十二當作常誤相作柘

彗星滅赦天下見禁囚徒

冊府

八十全載赦文

六年

於鄜州之析城置肅戍軍

張氏宗泰云析城當作鄜城戍當作

戎新地理志鄜州注云古有肅戎軍大厯六年置在鄜城

二月乙酉

張氏宗泰云二月戊子朔不得有乙酉二當作三

上御宣政殿試制舉人至夕策未成者令太官給燭俾盡其才

冊府

六百四十三

御宣政殿親試諷諫主文茂才異等智謀經武博

學專門等四科舉人帝親慰勉有司常食外更賜御厨珍饌及

茶酒禮甚優異舉人或有不悅菜色者帝憫之謂左右曰兵革

之後士庶未豐皆自遠來資糧不足故也因爲之泣下時方炎

暑帝具朝衣永日危坐讀太宗貞觀政要及舉人策成悉皆觀

覽一百餘道將夕有策未成者命大官給燭令盡其才思夜分

而罷時登科者凡一十五人

丁丑改泉州爲兗州 沈本泉作果張氏宗泰云新地理志兗州  
大歷六年更名果州

正害女紅 聞本正誤止 黎元空虛冊府六十空虛作不康又  
冊府載全文此有所刪節

丙午以蘇州刺史浙江觀察使 沈本浙江作浙西是張氏宗泰  
云八月甲寅朔無丙午據下有丁丑此當作丙子

庚辰夜月入紫微垣 張氏宗泰云紫微垣在黃道極北月行黑  
道北所不能至據新紀紫當作太庚辰八月二十七日月行自  
翼七至軫一

獻馴象一十一 冊府九百九十九一十一作十有一是

壬寅夜月入太微又掩氏 張氏宗泰云掩氏新志在丙午此脫

日

七年

置澶州 聞本澶作澧誤 以張之清豐店置清豐縣沈本無之  
字張氏宗泰云按孝子張清豐見兩志店與縣雖以此得名而  
兩志俱云割頓邱昌樂置是紀承頓邱下尙有脫文疑當云又  
割昌樂以縣界有孝子張清豐之店置清豐縣方是今不得其  
原文據會要刪張之二字 以貝州臨清縣貝聞本誤其

鎮星臨太微 張氏宗泰云天文志在四月丙子

歸國宿衛賜名也 張氏宗泰云影宋本名作姓

徙忻州之七聖容於太原府之紫極宮 冊府三十 徙忻州七聖

廟尊容置於太原之紫極宮

躋於道者 冊府八十 躋作濟 仍念狴牢冊府仍作永 或憊

時兩上冊府有自春以來 何時不恐沈本時作恃 按冊府作恃

及金手脫寶鈿等物 英華作並金銀平脫寶鈿等物平疑手字之誤此金字下當有銀字

其巴逢渠集壁充通開等州 聞本開作間誤沈本逢作蓬是也張氏宗泰云作開亦似誤以形似證之間當作闕 按英華作開

壬子禁鑄銅器 沈本作壬申張氏宗泰云以上下日考之當作壬申

八年

甲子 沈本上有二月張氏宗泰云甲子二月十八日

御史大夫李栖筠彈吏部侍郎徐 沈本炳震云下闕文張氏宗

奉云徐下當有浩字據本傳補 殿本考證云本文下應接丁卯幽州節度使朱泚加檢校戶部尚書至戊子詔京官五品以上各言封事其二十三行向俱誤入九年中而朱泚加檢校戶部尚書一行又復錯亂於中今已訂正 按沈本亦依次改正據下文徐浩薛邕杜濟皆坐典選貶官則此徐浩下仍當有脫文通鑑浩妾弟侯莫陳怵爲美原尉浩屬京兆尹盧以知驛奏優又屬邕擬長安尉怵參臺御史大夫李栖筠劾奏其狀勅禮部侍郎于邵等按之卽此事也

丙子以工部尚書李勉 沈本上有二月張氏宗泰云丙子三月三十日

四月戊申乾陵上仙觀之尊殿有雙鵲啣紫泥補殿之隙缺凡十五處 御覽九百二十一乾陵上仙觀三尊殿有雙鵲啣柴及泥補

葺殿之隙壞凡一十五處冊府卷二及卷三十十五及七俱同

詔千騎遊於國門許自皇城南面冊府百三十六詔發六軍將士千

餘騎遊於國門許便道繇皇城南面

臨晉公主薨張氏宗泰云晉下當有長字元宗女

詔京官五品以上各上封事言政得失聞本京下脫官字得失

下衍是歲大有年殿本沈本皆刪之

肉翅狐首御覽九百一十一肉作兩無狐首毛赤如蝙蝠御覽其毛

色赤形類蝙蝠神策將張白芬御覽白作日沈氏炳震云五

行志作日

封翼國公沈本翼作冀

己卯夜月入羽林沈本上有十一月張氏宗泰云新天文志有

十一月己卯十一月八日



十一月壬寅朔 沈本作閏月

九年

澧朗兩州鎮遏使 沈本無兩州 按通鑑亦無兩州 詔許赴

汝州泝漢而上沈本泝上有遂字 按通鑑詔聽入朝遂泝漢

江而上

自正月至五月晦 冊府四十正作三

戊子以澧州刺史楊猷爲洮州刺史 張氏宗泰云三月庚子朔

無戊子今據上丙午下丁卯改作戊午 按當作戊申通鑑以

此事繫於戊申以永樂公主妻田承嗣之子後

詔三人各盡所懷 聞本人下有引字 沈本引下又增對字是

詔赦大辟已下 沈本大辟下有繫囚二字 按冊府八載赦

文云大辟罪已下已發覺未發覺已結正未結正罪無輕重一

切並宜放免無繫囚二字沈蓋以意增

宰臣抗疏陳請 沈本請下有之字

庚戌廢涇州 沈本上有五月涇仍作泚是

詔四方之內 沈本方作海 按冊府四百八十四作海 尙勞邊事

冊府邊事作事邊 朕頃以兵革之後冊府後作役 務勤農

桑冊府勤作勸 豈齊倍餘之收冊府齊作濟沈本改作期誤

其嶺南浙東浙西沈氏炳震云浙西疑作江西 按上文已

云浙西三千人故沈氏疑爲江西之誤冊府嶺南下有江南

及迴易利潤贖錢等冊府潤作酒疑誤等作物 每人計二

十貫冊府貫作千 送納上都冊府都下有左藏庫三字

又入羽林 張氏宗泰云新志入羽林在辛亥

信安王瑋薨 沈本無安字張氏宗泰云新紀及本傳俱無安字

赦京繫囚 沈本京下有城字

十年

己酉昭義牙將裴志清 沈本作丁酉 按新紀通鑑俱作丁酉  
乙未朱泚抗表乞留京師 張氏宗泰云上已有乙未朔一月不  
得有兩乙未據下有戊申非乙巳卽丁未之誤 按通鑑作乙  
巳朱泚表請留闕下

遣使慰諭田承嗣令各守封疆 冊府百三十六命內侍孫知古使於  
魏州宣慰因曉示田承嗣各守封疆通鑑作魏知古

罷辰錦溪獎五州經畧使復隸黔中 張氏宗泰云五州缺其一  
新書方鎮表作辰溪巫錦業按地理志獎州開元二十年改曰  
業巫州大厯五年更名敘二州罷時當作獎作敘獎下脫敘字  
十五子運封嘉王 沈本十五上有第字下十六子以下皆同

十九子達沈本達作達

逐城使常休明

張氏宗泰云城上脫三字當據新紀補

按通

鑑亦有二字

以平盧淄青節度

沈本淄青在平盧上

己巳薛寧常休明至闕下

沈本作乙巳張氏宗泰云甲午丁未

中不得有己巳當作己亥

按沈作乙巳是通鑑作乙己

爲葉州刺史

沈本葉作華是

乙未制魏博節度使

沈本作乙丑張氏宗泰云四月癸亥朔不

得有乙未

按通鑑亦作乙未誤

河陽道出師進討

沈本道上有等字

按冊府

百二

道上有諸

字通鑑亦作諸道

劍南置昌州

張氏宗泰云據地理志置上當有復字志云昌州

乾元二年置大曆六年廢十年復置

乙丑田承嗣將盧子期攻磁州 沈本作己丑張氏宗泰云己丑

八月十八日新紀作己丑

冬十月辛酉日有食之 張氏宗泰云據新紀辛酉下當有子

十一月辛卯新平公主薨 張氏宗泰云據新書公主傳有西平

而無新平

十一年

生擒首領一千一百五十人獻於闕下 冊府九百八十七首領作蠟

城兵馬使於作功

戊子河陽軍復亂 張氏宗泰云戊子上脫三月 按通鑑作三

月戊子

御史大夫李涵 沈本作李涵爲御史大夫

六月戊戌以李靈耀爲汴州刺史 沈本作戊午張氏宗泰云六

月乙卯朔無戊戌當作戊辰 按通鑑作戊午

渭州李勉 沈本渭作滑是 按冊府百二作滑

乙丑承嗣遣姪悅率兵三萬援靈耀 沈本作乙巳張氏宗泰云

乙丑在乙酉後四十日不得同月非己丑卽乙未 按通鑑癸

卯忠臣等圍之田承嗣遣悅將兵救靈耀雖不言遣救何日然

在癸卯後則作乙巳爲是

加平盧淄青節度使 沈本淄青在平盧上

李寶臣檢校司空 沈本檢校上有爲字

以涇原節度副使試太常卿張掖郡王段秀實 張氏宗泰云當

作以太原少尹河東節度行軍司馬鮑防此乃下正月所書衍

文以上接馬璘卒而誤而轉脫本事當據十二年二月癸亥所

書改正

以澤潞行軍司馬李抱玉 沈本玉作眞張氏宗泰云當作貞

按通鑑作抱眞

十二年

張掖郡王段秀實 張氏宗泰云據秀實本傳爲張掖郡王在德宗時下九月辛酉所書亦無此四字而上年衍文有試太常卿疑此張掖郡王當作試太常卿

月掩軒轅 上脫日沈氏炳震云新天文志作乙丑

癸酉夜月掩心前大星又入南斗魁 張氏宗泰云入南斗魁據新志在二十三日丙子沈本無夜字

經畧招討觀察使 沈本經畧上有黔中二字

以太原少尹河南節度行軍司馬 張氏宗泰云南當作東是

戊辰夜月逼心前星 沈本無夜字

平章事元載賜自盡 沈本平上有同字

官並如故 沈本官上有餘字

凌鑑按此在平章事條前

尚書禮部侍郎 冊府三十七 尚書上有守字是

楊炎爲遠州司馬 沈本遠作道是

名曰畱後改爲進奏院 張氏宗泰云據會要畱後下有使字院

下有官字

罷潤州丹陽軍蘇州常州軍 張氏宗泰云常州當作長洲新志

蘇州下注有長洲軍

涇原鄭棣等節度使 沈本棣作穎張氏宗泰云本傳作穎

壬寅夜月掩昴又入太微 張氏宗泰云壬寅據新天文志當作壬

辰入太微在庚子



天下仙洞靈迹禁樵捕 冊府五十詔天下仙洞靈跡之處禁樵

蘇

十三年

壞白渠碾磴 冊府七十白渠上有京畿二字

以前浙西觀察使李涵 沈本前浙西作京畿

東川李叔明 沈本東川下有節度使三字

成德軍節度使 沈本無軍字

郴州黃山崩 沈本黃下有岑字據新紀補

十四年

汴宋節度使 沈本汴宋作淮西

容州刺史王雄 沈本雄作翊

北都畱守鮑防以北庭歸朝 沈氏炳震云鮑防下有闕文張氏

宗泰云以北庭二字直行文。按德宗紀大歷十四年五月德宗卽位閏月壬辰以河東節度留後鮑防爲京畿觀察使河東節度留後卽北都留守也防以五月入朝閏月卽以馬燧代之張說近是

舊唐書校勘記卷五